

bus ecclesie ad pontem Zurbeke solvebatur, pro divine remunerationis obtentu in usus ecclesie beati Petri cedere permittimus iure perpetuo possidendam. Ut autem hec donatio futuris temporibus inconvulsa maneat et illibata nec valeat a quoquam infirmari, eam testibus, qui interfuerunt, et sigilli nostri impressione fideliter fecimus communiri. Testes
 5 autem sunt isti: Marchio Conradus. Henricus de Seudiz. Bureravius de Lubin Iohannes. Henricus Rabil. Otto de Pouch. Wlradus de Landesberch. Symeon de Zurbeke. Tidericus de Bresyz. Wernerus de Salegast. Hermannus Stranz. Hericus de Scovrenz. Rodolfus de Nienburch. Tidericus Docter et Hermannus Docter. Martinus de Hanecrade. Bertoldus dapifer de Witin et Tidericus pincerna. Kyeze. Acta sunt
 10 hec verbi incarnati anno m. cc. viii, indictione xi.; data in communi placito Metene XIII. kal. aug.; feliciter amen^a).

(S.)

119.

*Papst Innocenz III. ermuntert den König von Böhmen, da er nach seinen früheren Mittheilungen
 15 nicht nach seinem Willen, sondern gezwungen von Otto abgefallen sei, denselben nunmehr, da der Zwang hinweggefallen, Hülfe und Gunst zu gewähren. Ebenso an den Landgrafen von Thüringen, den Herzog von Brabant und an die anderen Fürsten, welche vordem Ottos Anhänger waren.*

1208 [Juli].

Hdschr.: Reg. Inoc. III. No. 6 fol. 38 No. 157 Vatikan. Archiv.

20 *Gedr.: Baluze, Ep. Innocentii III. 1,753; ed. Migne 3,1149. Potthast 3978. Böhmer-Ficker 6024.*

Ann.: Der Brief kann frühestens Juli geschrieben sein. Vergl. Böhmer-Ficker 6021.

Illustri regie Boemie. Sicut nuntiis et litteris tuis nobis multotiens intimasti, ab obsequio karissimi in Christo filii nostri regis Ottonis illustris non voluntas, sed necessitas te subduxit, integram ei fidem servans in pectore, quam non poteris in opere demonstrare.
 25 Cum ergo iam ipsa necessitas divino iudicio sit sublata, excusationem honestam pretendere non valeres, si ei de cetero non impenderes auxilium et favorem. Tu ergo, fili karissime, divine dispositioni consentiens, que causam ipsius regis evidenti iudicio approbavit, nostrum in hac parte iudicium approbando, patenter et potenter eidem adhereas, fidem ei prestitam conservans illesam, ut per hoc divinam et apostolicam gratiam uberius merearis, alioquin
 30 preter divinam offensam apostolicam censuram incurreres, cum eidem regi nolimus in suo iure deesse, qui sumus omnibus in sua iustitia debitores.

In eundem modum nobili viro langravio Thuringie.

In eundem modum duci Brabantie principio sic mutato: Certa multorum relatione didicimus, quod ab obsequio etc.

35 In eundem modum aliis principibus, qui prefato regi aliquando adhererunt.

119. a) Zeugen und Datirung mit dunklerer Tinte geschrieben.